

Na osnovu člana 26. Zakona o cestovnom prijevozu Federacije Bosne i Hercegovine („Službene novine Federacije BiH“, br. 28/06 i 2/10), člana 8. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine Federacije BiH“, broj 79/13), Federalno ministarstvo prometa i komunikacija, raspisuje

#### JAVNI POZIV

za dostavljanje registrovanih redova vožnje na federalnim autobusnim linijama usaglašenih sa Daljinarom i minimalnim vremenima vožnje

1. Pozivaju se prijevoznici zainteresovani za postupak usklađivanja redova vožnje federalnih autobusnih linija, koji posjeduju registrovan red vožnje tog ranga da isti usaglase sa Pravilnikom o načinu, kriterijima i postupku za određivanje daljinara i minimalnih vremena vožnje („Službene novine Federacije BiH“, broj 88/13).
2. Redovi vožnje iz tačke 1. ovog poziva koristit će se za postupak usklađivanje redova vožnje federalnih autobusnih linija i iste je potrebno dostaviti Federalnom ministarstvu prometa i komunikacija u elektronskom obliku na računarskom programu za obradu tabela na elektronskom mediju (CD, DVD, USB memori stik, eksterni hard disk) ili putem e-mail adrese: [komisija.uskl@fmpik.gov.ba](mailto:komisija.uskl@fmpik.gov.ba) prema Prilogu 3 Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra.
3. Elektronski medij iz tačke 2. ovog poziva ostaće pohranjen u arhivi Federalnog ministarstva prometa i komunikacija.
4. Tumačenje federalnog ministra prometa i komunikacija za pravilno usaglašavanje registrovanih redova vožnje federalnih autobusnih linija sa daljinarom i minimalnim vremenima vožnje i elektronska verzija tabela Daljinara i minimalnih vremena vožnje za federalne autobusne linije biće istaknuti na službenoj web stranici Federalnog ministarstva prometa i komunikacija: [www.fmpik.gov.ba](http://www.fmpik.gov.ba) u IZBORNIKU „CESTOVNI PROMET I SIGURNOST \_ USKLAĐIVANJE REDOVA VOŽNJE“.
5. Postupak iz ovog javnog poziva je besplatan i podliježe provjeri od strane Komisije za usklađivanje redova vožnje.
6. Registrovani redovi vožnje usaglašeni sa Daljinarom i minimalnim vremenima vožnje na način propisan Pravilnikom o načinu, kriterijima i postupku za određivanje daljinara i minimalnih vremena vožnje i tumačenjem iz tačke 4. ovog poziva, zadržavaju status starog reda vožnje i isti će biti objavljeni na službenoj web stranici Federalnog ministarstva prometa i komunikacija.
7. Redovi vožnje iz tačke 6. ovog poziva učestvovat će u postupku usklađivanja redova vožnje federalnih autobusnih linija sa statusom starog reda vožnje.
8. Prijevoznik nastavlja obavljati prijevoz putnika prema redu vožnje koji trenutno posjeduje i koji je ovjeren od strane ovog ministarstva do završetka postupka usklađivanja i registracije redova vožnje na federalnim autobusnim linijama.
9. Rok za dostavu redova vožnje iz tačke 1. ovog poziva je 20 dana od dana objave ovog poziva u „Službenim novinama Federacije Bosne i Hercegovine“.

MINISTAR

mr. Enver Bijedić

Broj: 06-27-12-1834/13  
Datum: 15.11.2013. godine